
IS-BWYLLGOR LLES ECONOMAIDD

11 Gorffennaf, 2025

TEITL: Ymgynghorwyr Anweithredol

AWDUR: Alwen Williams, Prif Weithredwr

1. PWRPAS YR ADRODDIAD

- 1.1. Diweddarau'r Is-bwyllgor Lles Economaidd ar drafodaethau gyda Llywodraeth Cymru a Llywodraeth y DU ynglŷn â recriwtio Ymgynghorwyr Anweithredol ac i nodi'r broses arfaethedig ar gyfer penodi.

2. Y PENDERFYNIAD A GEISIR

- 2.1. Cytuno ar y broses a nodir yn adran 4.5 ar gyfer recriwtio a phenodi Ymgynghorwyr Anweithredol.

3. Y RHESWM DROS Y PENDERFYNIAD

- 3.1. Ym mis Mawrth 2025 cymeradwyodd y Cyd-bwyllgor Corfforedig y Cylch Gorchwyl a'r broses benodi ar gyfer Bwrdd Busnes Ymgynghorol newydd yn dilyn trosglwyddo'r Cynllun Twf ynghyd â chymeradwyo'r disgrifiadau rôl ar gyfer dau Ymgynghorydd Anweithredol newydd.
- 3.2. Awdurdododd y Cyd-bwyllgor Corfforedig y Prif Weithredwr dros dro i gymryd yr holl gamau angenrheidiol i gaffael ymgeiswyr i'w hargymell i'w penodi i Is-bwyllgor Lles Economaidd y CBC.

4. CEFNDIR AC YSTYRIAETHAU PERTHNASOL

- 4.1. Mewn ymateb i argymhelliad adolygiad sicrwydd arall i ystyried penodi Cyfarwyddwyr Anweithredol i gefnogi'r gwaith o gyflawni'r Cynllun Twf a darparu arbenigedd a her fasnachol i'r Bwrdd, cytunwyd ym mis Mawrth 2025 i benodi dau Ymgynghorydd Anweithredol. Cynigiwyd y dull hwn gan nad yw'n bosibl cyfethol y penodiadau ar sail y model arfaethedig. Eglurir y rhesymeg yn Adran Gyfreithiol yr adroddiad.
- 4.2. Bydd yr Ymgynghorwyr Anweithredol yn unigolion sydd â phrofiad sector preifat a masnachol sylweddol i gefnogi a herio'r Is-bwyllgor Lles Economaidd a gweithio gyda'r Swyddfa Rheoli Portffolio i gefnogi'r gwaith o gyflawni Cynllun Twf Gogledd Cymru. Bydd y ddau unigolyn hyn hefyd yn gweithredu fel Cadeirydd ac Is-gadeirydd y Bwrdd Busnes Ymgynghorol newydd ac y byddent yn mynychu'r Is-bwyllgor Lles Economaidd fel ymgynghorwyr. Mae'r gyllideb ar gyfer

y rolau a'r disgrifiadau rôl wedi'u cytuno o'r blaen gan y Bwrdd Uchelgais Economaidd (cyllideb) a'r Cyd-bwyllgor Corfforedig (disgrifiadau rôl).

- 4.3. Ers cyfarfod y Cyd-bwyllgor Corfforedig ym mis Mawrth, mae'r Swyddfa Rheoli Portffolio wedi bod mewn trafodaethau gyda Llywodraeth Cymru a Llywodraeth y DU ynghylch y gyllideb ar gyfer y rôl a'r broses recriwtio/dethol.
- 4.4. Bydd y gyllideb ar gyfer y rolau hyn nawr yn cael ei gosod ar £30k cychwynnol fesul rôl Ymgynghorydd Anweithredol gyda dyraniad ychwanegol o £10k i Gadeirydd y Bwrdd Busnes Ymgynghorol a £5k i'r Is-gadeirydd. Mae hyn o fewn y gyllideb a gymeradwywyd yn flaenorol o hyd at £50k y rôl.

Proses Recriwtio a Dethol Arfaethedig

- 4.5 O ganlyniad i'r cyfyngiadau cyfreithiol a nodir uchod, bydd angen caffael y rôl. Mae yna wahanol ddulliau y gellir eu mabwysiadu i sicrhau'r penodiad. Fodd bynnag, ac ar gyngor swyddogion y Llywodraeth, os yw'r rôl i gael ei phenodi drwy weithdrefn gystadleuol agored, mae gofynion penodol y bydd angen eu dilyn i gynnal proses gydymffurfio yn unol â gofynion Deddf Caffael 2023 (y "Ddeddf") a Rheoliadau cysylltiedig.
 - a) Yn ogystal â'r gofynion Swyddfa Personol a fabwysiadwyd, bydd pecyn caffael yn cael ei baratoi gyda meini prawf dyfarnu perthnasol
 - b) Hysbyseb – Bydd y rolau Ymgynghorydd Anweithredol yn cael eu hysbysebu ar wefan Uchelgais Gogledd Cymru a sianeli cyfryngau cymdeithasol (Gorffennaf 2025) ac fel sy'n ofynnol gan y Ddeddf
 - c) Ceisiadau – Gofynnir i ymgeiswyr sydd â diddordeb gyflwyno eu CV a'u llythyr eglurhaol yn nodi pam eu bod eisiau'r rôl (Gorffennaf 2025)
 - d) Asesu a Rhestr Fer – Bydd llythyrau eglurhaol a CVs yn cael eu hasesu yn erbyn y disgrifiadau rôl gan yr SRO a'r Prif Weithredwr a chynrychiolydd o'r Swyddfa Rheoli Portffolio a chytunir ar restr fer i gael eu gwahodd i gyfweiliad (i'w gadarnhau ym mis Awst)
 - e) Cyfweiliadau – Yna bydd ymgeiswyr ar y rhestr fer yn cael eu cyfweild gan banel a fydd yn cynnwys y Cadeirydd, yr Is-gadeirydd, yr SRO, y Prif Weithredwr a'r Swyddog Monitro a fydd yn gwneud argymhellion i'w penodi i'r Is-bwyllgor Lles Economaidd (Medi i'w gadarnhau) yn seiliedig ar y sgoriau terfynol ar ôl y cyfweiliad.
 - f) Penodiadau – penodiadau terfynol yn cael ei gwneud gan yr Is-bwyllgor Lles Economaidd (3 Hydref 2025)

5. GOBLYGIADAU ARIANNOL

- 5.1. Ni chyfyd unrhyw oblygiadau ariannol yn uniongyrchol o gymeradwyo'r penderfyniad a geisir yn yr adroddiad hwn. Cymeradwywyd y gyllideb ar gyfer y rolau hyn am gyfnod o ddwy flynedd gan y Bwrdd Uchelgais Economaidd fel rhan o gyllideb 2025-26 a'i throsglwyddo i'r Cyd-bwyllgor Corfforedig ar ôl amnewid y Cynllun Twf ar 1 Ebrill 2025.

6. GOBLYGIADAU CYFREITHIOL

- 6.1. Mae penodi'r Ymgynghorwyr Anweithredol yn cael ei wneud mewn ymateb i argymhellion adolygiad sicrwydd portffolio y Cynllun Twf. Fel endid awdurdod lleol, mae'r CBC, yn yr un modd



â'r Cynghorau cyfansoddol, yn ddarostyngedig i gyfyngiadau o ran pwys all fod yn aelodau neu'n aelodau cyfetholedig. Mae Rheoliad 9A o Reoliadau Cyd-bwyllgor Corfforedig y Gogledd 2021 yn atal deiliaid swyddi cyflogedig a benodir gan y CBC (yn yr ystyr corfforaethol) rhag bod yn aelodau cyfetholedig. Nid oes unrhyw rôl gyfwerth gyfatebol â rôl Cwmni o "Gyfarwyddwr Anweithredol" (NED) sydd fel arfer yn gysylltiedig â chwmnïau cyfyngedig cyhoeddus a sefydliadau sector preifat eraill.

- 6.2. Er mwyn ymateb i ofynion y Llywodraethau a phenodi i'r rolau hyn, mae'r model contract gwasanaethau arfaethedig yn cynnig y llwybr mwyaf priodol i sicrhau'r mewnbyn annibynnol a masnachol sydd ei angen. Bydd y rolau hyn yn cael eu caffael yn unol â Rheolau Gweithdrefn Contract y CBC (CPR) a'r Ddeddf. Byddent yn gweithredu fel ymgynghorwyr i'r CBC mewn perthynas â'r Cynllun Twf ac yn gwasanaethu fel Cadeirydd ac Is-gadeirydd y Bwrdd Busnes Ymgynghorol. Byddent hefyd yn ddarostyngedig i ofynion mewn perthynas â rheoli Gwrthdaro Buddiannau a chyfrinachedd yr un fath ag aelodau eraill y Bwrdd Busnes Ymgynghorol.
- 6.3. Bydd y broses recriwtio a phenodi arfaethedig yn cael ei chynnal yn unol â gofynion Deddf Caffael 2023 i sicrhau cydymffurfiaeth.

YMATEB Y SWYDDOGION STATUDOL:

i. **Swyddog Monitro:**

"Fel mae'r adroddiad yn esbonio, mae dod o hyd i lwybr i benodi'r ymgynghorwyr wedi gofyn am adnabod cerbyd i'w penodi sy'n gallu sicrhau y canlyniad gorau posibl tra'n cydymffurfio yn gyfreithlon. Mae'r llwybr "ymgynghori" yn cael ei ystyried fel y model penodiad sy'n gallu llywio'r materion hyn ac yn galluogi'r CJC trwy'r Is-bwyllgor i wneud apwyntiadau."

ii. **Swyddog Cyllid Statudol:**

"Gallaf gadarnhau bod cyllid ar gyfer y rolau hyn wedi'i gynnwys yn y gyllideb ar gyfer 2025/26 a gymeradwywyd gan Fwrdd Uchelgais Economaidd Gogledd Cymru ar 14 Chwefror 2025."